

DE

VITA ET MERITIS

P E T R I B R A H E

COMITIS DE VISINGSBORG, LIBERI BARONIS DE CAJANA, DOMINI
DE RYDBOHLIM, LINDHOLMEN, BRAHELINNA ET BOGESUND,
REGNI SVECIÆ ARCHIDAPIFERI ET SENATORIS, SUPREMI DICA-
STERII REGII HOLMENSIS PRÆSIDIS, GENERALIS FENNIAE, ALAN-
DIÆ ATQUE OSTROBOTNIAE GUBERNATORIS, ACADEMIAE ABOËN-
SIS CANCELLARII, ATQUE WESTMANNIAE, REGIONIS MON-
TANÆ DALECARLIÆQUE LEGIFERI,

DISSERTATIO ACADEMICA

CUJUS PARTEM SECUNDAM

CONSENSU AMPLISS. FACULT. PHILOS. ABOËNSIS

PUBLICO MODESTE SUBJICIUNT EXAMINI

BENEDICTUS JACOBUS IGNATIUS,
Philosophiaæ Magister & ad Biblioth. Imper. Acad. Åmanuensis
Extraordinarius.

ET


BRODERUS ABRAHAMUS MIÖDH,
Stipendiarii Publici, Aboënses.

In Auditorio Philosoph. die XII Junii MDCCCXVI.

h. p. m. s.

Quique sui memores alios fecere merendo,
VIRG.

A B O Æ, Typis FRENCKELLIANIS.



Ætas ejus infantilis in illa incidit tempora, quibus de summa imperii motæ fuerunt exitiosissimæ atque funestissimæ intestinæ turbæ & contentiones, quum SIGISMUNDI Regis avitum thronum defendantis alii, alii DUCIS CAROLI libertatem Svecie veramque tuentis religionem faverent partibus, & magna pars Nobilium, qui veterem Aristocratiæ renovatam cupiebant, tertiam factionem duobus reliquis contrariam constitueret. CAROLUS defensione religionis atque libertatis, qua Clerum Ordinesque Urbicorum & Rusticorum sibi obstrictos reddiderat, reliquas duas factiones, in unam licet sensim coalescentes, tandem suppressit, vinculis, exilio & morte principes adversariorum, vindictæ certe nimium indulgens cupidini multabat, coronamque Regni Sveciæ, præmium constantiæ atque laborum, ab Ordinibus sibi oblatam reportavit. Innumeri vero has inter procellas nobiles & bene meriti viri, vitæ, tranquillitatis & fortunarum fecere naufragia, nullaque sere erat Familia nobilior, quæ membrum e gremio suo abrepsum non lugeret, quarum jaectorum Familia Brahea haud immunis (29), pacatis tempestatibus civilibus, pristinam ite-

C rum

29) Sic Pater nostri Comes ABRAHAMUS BRAHE in proelio ad Stongæ pontem die 25 Sept. 1598 vexillum Regis SIGISMUNDI contra Patruum ejus portavit, in gratiam tamen Regis CAROLI paullo post restitutus. De hac reconciliatione ipse sic fatur: Den 6 Decembris (1598) gaf den gode och dygdelige Fursten mig sin gunst och näde igen i sin Kammar, och bad mig till aftens måltid med sig. Abrah. Brahes Tidebok pag. 132. — Patrui vero Comites ERICUS BRAHE Regni Senator atque GUSTAVUS BRAHE R. SIGISMUNDI Campi Marschalius, & patria sua exules Gedani diem obierunt, ille Anno 1614, hic a. 1615. Sed Comitatum Visingsborg, quem Comes ERICUS BRAHE,

rum recuperavit dignitatem & gratiam. Mite quoque GUSTAVI ADOLPHI ingenium discordes civium animos in concordiam reduxit, factiosorum suffocavit conjurations, proscriptorum liberos in patriam atque bona sua restituit & familias a patre afflictas beneficiis ita cumulavit, ut generositate virtutibusque suis memoriam severitatis & iniquitatis paternæ sensim extingueret. Diuturnis tamen atque noxiis regnum Svecicæ involvebatur bellis, Rege Poloniæ Sigismundo jus suum hæreditarium nequidquam urgente, cruentisque decertatum est armis, donec veteres tandem componerentur simultates, induciæque primum breviores, dein longiores, & firma denique pax, Regibus CAROLO IX atque SIGISMUNDO Filiisque ambo-rum tranquillum in gremio almæ terræ jam carpentibus so-mnum, ex voto intetur 30).

Pri-

sua culpa amiserat, fratri Comiti MAGNO BRAHE generose reddidit Rex CAROLUS IX. Pari modo prædium avitum Sundsholm, cuius jaſturam meruerat Comes GUST. BRAHE, gratia R. GUSTAVI ADOLPHI anno 1620 recuperarunt fra-tres MAGNUS & ABRAHAMUS. HALLENBERG l. cit. 3 De-len, pag. 621, 622.

- 30) Bellum atque inimicitiae Sveciam inter & Polonię a proelio Stongebroënsi sub toto imperio R. CAROLI IX durabant & sub R. GUSTAVO ADOLPHO, brevibus interjectis armistitiis, usque ad annum 1629, quo sex annorum inducias Stumæ inire cogebantur Poloni, continua-bantur. Hæ, quum anno 1635 exiissent, in viginti sex annos tum prolongatae sunt, & post bellum sub R. CA-ROLO GUSTAVO renovatum, omnes lites pace Olivensi A. 1660 tandem compositæ. De origine causisque hujus belli diuturni consulatur *Exegesis historica causas comme-morans, quibus O aines regni Svecicæ provocati Sigismundum tertium R gem Poloniæ ejusque progeniem Svecico*

Primos pueritiae annos Comes noster plerumque degebat in avita sede Rydboholm 31), saluberrima coeli tempeste & amoenissimo situ ornata, ubi a piis Parentibus privatis que Praeceptoribus summa cura & diligentia ad omnem morum virtutem innocentiam ac eruditionis praestantiam educabatur, animus virtute imbuebatur, corpus durabatur & laboribus firmabatur atque felices facultates dotesque animi impigre excolebantur. Mature enim in tenerissima indole elucebant facilis captus, vivida imaginandi facultas, acutum judicium, exigua ingenii vis atque felicissima memoria; celeriter enim arripuit, quae illi videnda, audienda aut discenda proponebantur felicique tenuit constantia, quamobrem Parentes, juvenem ad imitamenta eorum, quorum in consortio primam suam aetatem agat, actiones suas & mores plerumque conformare, haud insecui, nulla alia, quam que mentem ad excelsiorem virtutem attollere possent, a teneris eum intueri exempla permiserunt, animum ejus honestas excipere impressiones utilesque doctrinas sedulo volabant moribusque, omnes illecebras mali removendo, indesinenter invigilabant. Et cum Pater ejus prudenter cognosceret, quantum Reipublicæ intersit, illos qui ad negotia publica destinantur, bonis tempestive artibus erudiri, atque ad officia sua rite obeunda institui, nullam curam nulosque omisit sumtus, quibus progressus Filii in artibus & scientiis, moribus elegantioribus & cognitione rerum in vita communis scitu necessariarum promovere posset.

C 2

Hunc

exuerunt diadema. Holmiæ 1607 4:o Svetice pagg. 543.—

Confr. de hac re quoque *Litteras inter Senatum Sveciæ & Senatores Poloniæ alternis vicibus commutatas, quas JOH. LOCCENIUS inseruit Historiæ suæ Svecanæ, Francofurti & Lipsiæ 1676 4:o pag. 464 — 474.*

31) *Grefve PER BRAHES Tänkebok pag. 1.*

Hunc vero Filium quanto quamque paterno amore prosecutus fuerit Parens optimus, vel ex eo liquet, quod inde a primis ejus incunabulis custodem ipse egerit morum filii fidelissimum, eumque quoties itinera faceret, ab annis tenerimæ ætatis secum duxerit, ideo magis ne sub absentia sua malis imbueretur consuetudinibus, quam quod pro infantili ætate aliquam ex iis percipere posset utilitatem. Sic Patrem suum Anno 1604. ad Comitia comitatus est Norcopensia, quæ licet memorabilia 32), attentionem ejus nondum figere potuerunt.

32) Ubi unionem hæreditariam jam ante biennium in Comitiis Holmensibus sancitam, Ordines Regni iterum confirmabant, qua R. SIGISMUNDO hæredibusque ejus imperium Sveciæ ac jus successionis in perpetuum abrogabatur, Regiaque dignitas, postquam Dux Ostrogothiæ & Dalicæ JOHANNES, Frater SIGISMUNDI, jus suum proprius voluntarie abdicaverat, in Rego CAROFO ejusque liberis ac posteris certa lege stabiliebatur. Post hæc Comitia CAROLUS titulum Regis Sveciæ electi demum suscepit. Vide ERIC. MICH. FANT Kort Utkast til K. GUSTAF ADOLPHS Historia, Stockholm, Upsala och Åbo 1784 4:o. — Sed anno jam 1594, SIGISMUNDI consilio, Pontificiæ religionis in Sveciam introducendæ patesfacto, magna pars Ordinum Regnis ceptrum CAROLO deferre voluerant, quod is tamen & tum & postea diu modeste detrectavit. Confr. JAC. WILDE Historiam Sveciæ Pragmaticam, Holmiae 1731 4:o pag. 621. Administratoris Regni titulo plenaque Regia potestate inde a morte R. JOHANNIS III anno 1592 Regnum Sveciæ tamen gubernarat. Cum vero Ordines Regni vicaria administratione haud contenti, in Comitiis Holmensibus anno 1602 acrius insisterent, ut Coronam acceptaret Svecanam, hoc si de adventu Princ. ULADISLAI, filii Sr.

erunt. Vix etiam quidquam pompa Coronationis Regis CAROLI IX, præmisso consueto jurejurando & solennibus inaugurationis, maximoque, si conditionem Regni spectes, luxu 33) celebratæ, quam ei admodum puer anno 1607 Upsaliæ contemplari sicut, memoria tenella hæsit. Festis aulicis religiose epulis semper adfuit, a Rege CAROLO & Conjuge ejus Regina CHRISTINA magnopere dilectus iudisque Regionum liberorum Principum CAROLI PHILIPPI & MARIE ELISABEHÆ sibi æqualium saepe interfuit socius 34), quorum consuetudo ipsaque in aula commoratio, antea partas facultates & scientias mire exornavit auxitque. Dum vero Rex CAROLUS anno 1609, more patrio prisco, regnum circuiret, (*resta Eriksgata*), Paterque Comitis nostri eum comitaretur, Filiu interea Sorori Aviæ, Reginæ Viduæ Regis GUSTAVI PRIMI CATHARINÆ STENBOCK in villa regia Strömsholm 35) habitanti in manus tradidit, quæ de eo curam pietatemque maternam gerens, consuetudine festiva urbanisque moribus ei haud paruin

pro-

SIGISMUNDI iterum frustrarentur promittens, vicarium continuavit imperium, usquedum in Comitiis Norcopensibus precibus Ordinum exoratus in electionem sui & renovationem unionis hæreditariæ tandem consentiret.

33) De magnificentia hujus Coronationis vide von Dalin *Svea Rikes Historia 3 Delen, 2 Band.*, pag. 569 — 571 JON. WERW NG K. Sigismundi och K. Carl IX:s Historia Sen. Del. Stockholm 1747 4:o, pag. 159 sqq.

34) Grefve PEHR BRAHES Tänkebok pag. 1.

35) In Provincia Westmannia sita, a R. GUSTAVO PRIMO a 1557 & sequentibus annis amoenissimo loco ædificata.

profuit. Ex hoc itinere redux Rex CAROLUS Filium suum maximum natu Principem GUSTAVUM ADOLPHUM, Magnum Ducem FINLANDIE atque Ducem WESTMANNIE ESTONIAE que anno 1610 die 12 Julii declaravit, eumque anno 1611 in Conventu Statuum Regni Oerebrogiae toga virili solenniter indui.

Anno 1611 pertinace quartana febri detinebatur PETRUS noster, quam cura sollicita Parentum atque beneficio naturae suae robustae feliciter superavit. Sed iuste præterea illi & toti Sveciæ hoc tempus fuit morte Regis CAROLI IX, quæ dum Regnum triplici implicitum gravatumque esset bello, Russico, Danico & Polonico, die 30 Octobris Nykopiae haud opportune acciderat. Status Sveciæ nutans, progressusque Regis Danicæ, injusto eum aggredientis bello, mortem sine dubio properarunt, postquam aliquod tamen gaudium ex nuntio de electione Filii CAROLI PHILIPPI in thronum Ruthe-nicum, paullo ante obitum allato perceperisset. Facultates quo-que eximiæ Filii GUSTAVI ADOLPHI cor ejus curis perpetuis & adversa fortuna oppressum jam dudum exhilaraverant, fiduciaque impleverant, illum consilia sua generosa Commo-dum Sveciæ spectantia, quæ mors præmatura fatumque infe-lix imperfecta relinquere eum cogerent, olim perfecturum esse, quare de negotiis sibi differendis aut omittendis semper dicebat: ille faciet. Princeps dum vixit animosus fuit & prudens, libertatis Patriæ veræque Religionis acerrimus vindex, adversus omnes molitiones hostiles & domesticas for-tis & constans, ad commotionem animi iramque quidem pro-nus, ferèque inexorabilis, sæpissime vero propter salutem populi propriamque incolumitatem severitate uti coactus. Inter utilissimos tamen Sveciæ Reges referri meretur, nam sive oeconomiae, mercaturæ & artium florem, sive littera-rum culturam, sive religionis & rerum sacrarum curam con-side-

sideraveris, sollerterem, inspigrum regnique sui commodis se-
rio invigilantem ubique eum invenies. In eo fautorem sui
singularem Comes PETRUS amisit, quæ jactura majore mox
compensabatur benefactore, Filio CAROLI GUSTAVO ADOLPHO,
qui inter summos quos Svecia & Orbis terrarum unquam
vidit & Heros & Patres Patriæ merito numeratur, in lo-
cum Patris defuncti succedente. Comitiis enim Nycopensi-
bus ex occasione fatalis hujus casus ad diem 1 Decembris
præsinitis, Ordinibus Regni nomine Reginæ Viduæ Ducisque
JOHANNIS convocatis, GUSTAVUS ADOLPHUS, postquam Dux
ipse, Ducatu ejus territoriis quibusdam aucto 36), jus suum
hæreditarium consignata declaratione iterum resignaverat, in
thronum avitum stabilitus est, & septimum decimum nuper
attingens annum, Auctore AXELIO OXENSTIERNÆ, qui Comi-
tia nomine Reginæ aperuerat, unanimi consensu Tutorum at-
que Ordinum Regni omni tutela liberatus, habenas imperii
valida statim capessivit manu, patriamque magnanimitate &
virtutibus e summa miseria in statum meliorem felicioremque
brevi evexit.

Se-

-
- 36) Territoriis videlicet Wartofsta, Gudhem, Frökind &
Wilska in Westrogothia. Joh. WIDEKINDI K. Gustav
Adolphs Historia, i Delen. Stockholm 1691 Fo'. pag. 12 sqq.—
GUSTAVUS ADOLPHUS ad obitum Patris de successione in
thronum Sveciæ minime securus fuit, nam Rex CAROLUS
ipse Ordinibus Regni, ut Duxem JOHANNEM, utpote æta-
te maturiorem, post mortem suam Regem eligerent, sua-
serat, & Dux jus sum acriter urgere perseveravit, cede-
re que noluit nisi aut Finlandia aut Westrogothia Ducatus
ejus augeretur, donec territoriis jam dictis contentum se
tandem declararet. Hac re, Ordinibusque GUSTAVUM
Regem præoptantibus, omnes difficultates remotæ sunt.

Sequente anno Comitia Holmiae sunt habita, ubi de statu Sveciae quoad Polonos & Ruthenos, & de belli Danici, quod eo non gerebatur successu, quo reliqua quæ postmodum sustinuit Rex GUSTAVUS ADOLPHUS, subsidiis agebatur. Eadem occasione Dux JOHANNES cum Filia Regis CAROLI MARIA ELISABETHA in regia arce Holmensi die 29 Novemb. nuptias celebravit 37). — Aetatem vero discendo aptam Comes noster interea litteris consecrare, virtutemque colere diligenter perrexerat, unde in tenello pectore maturioris intelligentiae indicia, & in tenui corpore antiquam morum concinnitatem cerneret. Ideo nec mirandum, ei adhuc puero etiam gravioribus in negotiis fidem haberi potuisse, quod legatio testatur, qua a Regni Sveciae Legatis ad Legatos Danicos de pace ineunda tractaturos ad Knärydam cum litteris missus responsoriis, quibus Sonneburgum, Oeselie insulæ urbem, Daniæ numquam fuisse concessam ostendebatur atque reliqua horum postulata & gravamina graviter refutabantur, ex voto omnium fungeretur 38). Pax inter ambo regna, concilian-

37) Natus ille erat anno 1589, illa anno 1596, eodemque anno 1618 morebantur & in basilica Lincolensi honofice sepeliebantur. Conjugium illorum felicissimum non fuisse, testantur Historici, quod infortunium mortem amborum haud indubie maturavit. — FAST l. cit. p. 26 & 59 illam perperam vocat MARIAM ELEONORAM.

38) Vide JON. HALLENBERG l. cit. 2 Bandet & pag. 620.— Pueri nobiles sollennioribus Legationibus, non solum ad ministerium obeundum & pompa Legatorum augendam, sed etiam facultates suas exercendi gratia, adjungi solebant. quare probabile est, Senatorem Abrah. Brahe hoc respectu Filium suum Legatis commendasse.

ciliantibus Legatis Regis Magnæ Britanniæ ROBERTO AMSTRÖTHER & JACOBO SPENS ab utriusque Regni Cancellariis, Svecorum AXELIO OXENSTIERNÆ, Danorum CHRISTIANO FRÆS, cum tribus aliis Regni Senatoribus utrinque, conditionibus quam quæ initio sperandæ erant Sveciæ melioribus, ad fines Sjöred inter Ulfbeckam & Knärydam, Oxenstiernæ cura & prudentia paullo post die 19 Jan. 1613 cocludebatur, ubi jus trium Coronarum utrique regno sine præjudicio alterius in insigni gerendarum permittebatur, Sonnburgum & jus ac titulus in Lappones Occidentales Danis cesserunt, Provinciæ Jemtia & Herdalia a Svecis occupatæ reddebantur, Svecia vero amissas urbes & castella, decies centenis millibus Imperialium intra sex annorum spatium solvendis recuperavit, ceteræque minoris momenti controversiæ amice componebantur (39).

Quando Pater nostri Comes ABRAHAMUS BRAHE anno 1613 Legatus ad fines Regni confirmationem Pacis a Rege Sveciæ, Duce JOHANNE & Senatu subscriptam Legatis Daniæ traditus mitteretur, Filius PETRUS eo tempore apud Matrem in villa Rydboholm versabatur, ansamque primam, rebus bellicis & operibus defensionis animum advertendi heic accepit, cum necesse esset, eam contra aliquot centum Scotos aliosque milites exteris munire, qui in ea regione collectati, villam Fröö incendio vastaverant & quemcumque con-

D

tra

39) Eodem anno mense Junio in Comitiis Holmensibus congregati Regni Ordines tributum suscepere per IV annos solvendum sub nomine redemptionis Elfsburgensis (Elfsborgs Lösen), quo XV auri tonnas in ærarium congregabantur Regni, quarum soluta redemtione Elfsburgi, reliqua V tonnæ bello Russico deinde impendebantur.

tra eos minus paratum hostium instar spoliarent 40). Anno 1614 die 14 Jan. Comitia Oerebrogiae iterum sunt inchoata, ubi de modo pacis cum Polonis & Russis ineundae agebatur atque de justitia administranda & mercatura promovenda, de navigatione, vectigalibus, militum stipendiis ceterisque rebus consilia capiebantur saluberrima 41). Præcipui horum Comitiorum fructus erant ordinatio societatis commerciorum atque institutio Supremi Dicasterii Regii Holmensis, ubi Patruus nostri Comes MAGNUS BRAHE primus Præses atque Pater Comes ABRAHAMUS BRAHE Assessor constituti sunt. Tribunal hoc, ubi Comis noster amborum olim fungeretur munib[us], a Regni Cancellario AXELIO OXENSTIENA solenniter inaugurabatur.

Annus 1616 memorabilis fuit domestica Patriæ nostræ lætitia. Rex namque GUSTAVUS ADOLPHUS FENNIAm sua exhilarans præsentia, Concilium Ordinum Fennicorum Helsingforsiam ad diem 19 Jan. convocaverat 42), ubi de præcavendis machinationibus Polonicis, de causis belli Russici, de ordine præstandi equos conductitios in Svecia anno præterito statuto atque de tributo ad bellum gerendum novo, inter eos con-

40) De fallacia atque rapacitate militum conductitiorum & exterorum vide HALL NBERG *loc. cit.* 2 Bandet pag. 427 & pluries in sequentibus.

41) De decretis horum Comitiorum fuse agit WIDEKINDI *loc. cit.* pag. 202 *sqq.*

42) Orationem memorabilem Regis ad Ordines Fennicos tradit WIDEKINDI *loc. cit.* pag. 328 — 335 & LOGGENIUS *loc. cit.* pag. 526 — 533.

convenit. Litteras Ordines Fennici ad Ordines Sveciæ Gothiaque de eodem tributo ab ipsis quoque præstanto miserunt, quod, ut plurima sub imperio R. GUSTAVI ADOLPHI in annum concessa, postea sub nomine Stora Landiägs Gärden perpetuo continuavit 43). Dum in FENNIA commorabatur Rex multos præterea abusus abolevit, confusiones rerum correxit, partes ægras reipublicæ sanavit omniisque studio miseriam Fennorum, quantum potuit, sublevare laboravit. — Ad finem hujus anni Comes Petrus maturior jam ætate & iudicio, Patrem suum ad villam Wäsby, juxta montem Salte sitam, quorsum Rex universum Senatum Regni convocaverat, secutus est. Occasionem tum adeptus est exoptatissimam, Fodinam Argenti famosam & ad illam pertinentes officinas visitandi & contemplandi. Comitiis quoque intersuit Oerebrogiensibus anno 1617 die 20 Jan. incepitis, in quibus de pace cum Regno Russico ineunda, de fallacibus Polonorum induciis atque de Coronatione Regis consultatum est 44). Hinc ad villam Dimbo 45) cum Patre die 7 Martii & inde die 27

D 2

ad

43) Quamvis gravata tributa, immensa fere & continua solvere cogeretur populus inops, onus tamen minus sensit, partim propter amorem erga Regem, partim quia ad commodum Regni ea adhiberi persuasus erat, partim quoniam Rex, cui incrementum rei familiaris & prosperitatis publicæ maxime cordi erat, cum novis expensis, novas etiam rationes viatum atque mercedem querendi illi aperiebat.

44) Ceteras res in his Comitiis transactas exponit WIE-KINDI loc. cit. pag. 376.

35) In Westrogothia sitam & anno 1615 a Rege Comiti ABRAHAMO BRAHE donatam, Confer *Abr. Brahes Tidebok*, loc. cit. pag. 169.

ad Visingiam profectus, apud Patrum suum Archidapiferum Regni aliquot dies commorabatur atque dein per Westrogothiam ad villam Rydboholm redibat — Pax hoc anno Russiam inter & Sveciam die 27 Febr. 46) in pago Stolbowa inter Ladogam & Tessaum, per arbitrium pacis, Cubicularium Regis Magnae Britanniae, Equitem JOHANNEM MERICK conciliabatur, qua Svecie præter viginti milia Rublorum argenteorum tota Provincia Ingermannia cedebatur atque renuntiatio Ditionis Kexholmensis, Livonie & Estonie iterum confirmabatur 47), quas tamen Provincias pace Neostadiensi anno 1721 recuperavit PETRUS MAGNUS Russiae Imperator. — Variolis tempore æstatis Comes noster ægotavit, ex quibus vix convaluerat, quum morte Sororis dilectissimæ in ipso æstatis flore extinctæ 48), moestitia animum ejus incederet gravissima. Dolore paullatim mitigato Patrem suum una cum Fratribus

46) FANT loc. cit. pag. 50, pacem die 1 Maji initam refert, sed perperam.

47) Rex enim quæstuosas pacis conditiones certasque & continuas fines Fratris in solium Ruthenicum præoptabat evectione, quam hæsitatio & cunctatio Principes Caroli Philippi & mutatus Russorum animus tum quoque impossibilem reddiderant. In fine anni idem Princeps peregrinationem per Daniam, ubi a Rege magnifice exceptus est, ad cognatas sibi aulas Germanicas & inde in Galliam, ubi Regem LUDOVICUM XIII Parisiis invisit & sequente anno die 12 Maji Nykopiam revenit,

48) BEATA BRAHⁿ nata anno 1599 die 28 Octobr. in Rydboholm, Holmiæ a 1617 die 23 Sept. diem obiit.

tribus Upsaliā comitatus est, ubi die 12 Octobr. sollennia Coronationis Regiæ in templo Cathedrali celebrata videre ei licuit 49).

Hiemale tempus anni sequentis in villa Dimbo cum Patre & tota Familia degebat, sed incunabulo vere ad villam Rydboholm cum suis reversus, Patrem suum, qui delectum militum in Legiferatu suo procuraret, ad prædium Wäsby comitatus est, unde domum profectus, ad iter suum peregrinum se præparare incepit. Vigebat enim tum apud Svecos mos ille antiquus & laudabilis, quem dolenda necessitas illis initio obtruserat, juvenes suos nobiles & ingeniosos ad cultiores Europeæ terras mittendi, quo ad illarum Academias artes & scientias utiles haurirent institutionemque acciperent de rebus, quarum notitiam comparandi intra fines Patriæ occasio deerat. Dijudicandi quoque perspicaciam & experientiam peregrinationibus augeri, sapientiam parari, morum atque virtutum præstantissimarum amorem excitari, omniumque rerum scientiam conciliari, quum aut quæ vetustate notabilia, aut quid in moribus alienis pulerum, quid in institutis salubre & fructuosum, quid in præceptis laude atque imitatione dignum, oculis attenti juvenis sese offerrent, haud immerito putabant. Idcireo plurimi Sveciæ Magnates atque Purpurati hoc sæculo viventes viri fu-runt non solum usum atque experientia omnium rerum præstantissimi sed etiam doctissimi atque litteratissimi Scientiarum cultores atque patroni 50). Illam quoque Comes BRAHE jam attigerat ætam,

49) Splendorem & Cærimonias hujus Coronationis prolixè describit WIDEKINDI loc. cit. p. 431 sqq. Confr. HALLENBERG loc. cit. 4 Bandet, pag. 623 sqq. & ABR. BRAHES Tidebok pag. 175 — 188.

50) Rex CAROLUS IX in Testamento suo anno 1605 die 12

tem, qua corpus laboribus assuefactum, mens disciplinis firmata, eum ad nobilia & altiora provocarent litterarum studia 51), levioribusque perfunctus illis, quæ præmitti debent doctrinis, faciliorem sibi ad penitiora scientiarum sacra adiutum aperuerat, unde idoneum Pater ejus eum judicaverat, qui exteris invisendo terras progressus suos eximios ulterius augeret, thesaurumque eruditionis in Patria partæ cumularet, quo dein sibi simul & civibus utilior ad suos reverteretur. Socius itineris atque Studiorum moderator ei adjungebatur Philosophiæ ad Academiam Upsaliensem Adjunctus Magister ISRAËL BRINGIUS 52), qui ad celeberrima Germaniæ Lycea -insi

Aug. obsignato, Ordinem hortatur Equestrem: "ut peregrinationibus, & saltim, qui humanioribus apti non essent literis, aulicis ac militaribus exterorum disciplinis operam darent, quo aliquando ad obeunda Regni munia essent idonei". WILDE loc. cit. pag. 649.

51) Eum ad Academiam Upsaliensem studiis vacasse dicit REHINDER loc. cit. pag. 15, quod tamen ceteri ignorant vitæ ejus Scriptores.

52) NICOLAI BRINGII Pastoris & Præpositi in Bringtofta Filius, natus anno 1588, rudimenta studiorum in Scholis Wexionensi & Calmariensi posuit, & biennio Academias Rostochiensem & Gryphiswaldensem ab anno 1610 frequentans, anno 1612 Domum rediit. Sed ad studia sua absolvenda ad Exteros iterum egressus, Academias adivit Wittebergensem, Helmstadiensem & Tbingensem, in qua anno 1615 primus inter LI Candidatos Lauream reportavit Apollinarem. Sequentे anno in Patriam reversus, munere Adjungi in Philosophia ad Acad. Upsalion-

insignem sibi acquisiverat laudem doctrinæ atque integritatis, Felicibus itaque auspiciis die 9 Octobris anni 1618, a Patre Patruoque Comitis sufficientibus instructi subsidiis 53), iter suum inchoarunt atque emensis Meridionalibus Sveciæ Provinciis, per Hafniam, Rostochium, Vismariam, Lubecam, Luneburgum, Brunsvigam & Cassellas, ad Gissam Hassiæ urbem pervenerunt, ubi per duos integros annos cum tribus mensibus, cum eximio suo emolumento Adolescens noster commoratus, Academiam ibi florentem, inter primarias Germaniæ tum numerandam, sedulo frequentavit, cum Musis studiosissime habuit consortia, artesque & scientias utiles impigne dicit. Hospitaliter ibi invenit benignum & officiosum, Theologum consilio & facundia pollentem JUSTUM FEUERBORNUM 54), eximii illius Theologi BALTHASARIS MENTZERI generum,

quo

sem admotus est. Tertium cum Comite nostro peregre profectus, post reditum a. 1628 Ethices & Politices, & anno 1648 Juris ad eandem Academiam Professor constitutus est, vitamque anno 1662 die 29 Jan. casu infelici cum morte commutavit. JOH HENR. LIDÉN in Catalogo suo 44 Dissertationes sub ejus Præsidio Upsaliæ editas enumerat. Confr. *Programma OLAI RUDBECK in Bibliotheca Svtiogothica von STIERNMAN Holmiæ 1731 4:o* & p. 299.

53) Confr. ABRAH. BRAHES *Tidshok loc. cit.* ubi appareat, quam liberaliter Pater sub peregrinationibus eum pecuniis sublevaverit.

54) Natus die 13 Novembr. 1587 in Westphalia, tandem Theologiæ Doctor, Academiæ Gissensis Rector, Theologiæ Professor Primarius & Superintendens Templorum Scholarumque Regionis Marpurgicæ, decessus Gissæ anno 1656

quo familiarissime utebatur, quemque simul & MENTZERUM 55) atque HUNNIUM 56) inter Professores ibi docentes maxime auscultabat.

Persuasum tum erat, illos, qui ad munera civitatis educabantur, nullarum rerum ignaros esse debere, quæ sub illorum judicium venire aliquando possent, ideoque nulla scientia Philosophica a Comite BRAHE negligebatur, nec Theologiam intactam reliquit, in qua bene versatus fuisse perhibetur. Inter linguas exteris, cultissimis Europæarum Nationum Germanicæ & Gallicæ addiſcendis maxime studuit, neque linguas sic dictas mortuas, seu quæ in ore hominum esse desierunt omisit, sed quod minime crederes Linguæ etiam Hebraeæ diligenter operam dedit. Artes quoque liberales & exercitia, que vigorem animi & agilitatem roburque corporis promovent, haud neglexit: præsertim saltationi artique inserviebat palæstrieæ, quæ illis quoque temporibus & locis valde necessaria erat, quam sub tumultu Bohemico, multi

die 6 Febr. De vita & scriptis ejus vide CHRIST. GOTTL.
JÖCHERS *Allgemeines Lehrten Lexicon*, 1 — 4 Theil,
Leipzig 1750, 1751 4:o & JOH. FRANC. BUDDEI *Allgem.
Historisches Lexicon* 1 - 4 Theil, Leipzig 1730 - 1732 Fol.

55) Natus die 27 Febr. 1565, Theologiæ Doctor & Professor Gissæ & postea Marpurgi, quorsum Academia anno 1625 translata est, obiit anno 1627 die 6 Jan. Confr. JÖCHERUM & BUDDEUM loc. cit.

56) Ni fallor, UERICUS HELFRICUS HUNNIUS, Professor Juris Gissæ & Marpurgi, Religionem Catholicam postea amplexus, anno 1631 Electoris Trevirensis factus est Consiliarius & Cancellarius Vicarius, vide JOCHERUM & BUDDEUM loc. citt.